

Pravilnik o uslovima, kriterijima i načinima dodjele sredstava u okviru projekta „Odvažne i hrabre, to ste vi“

Ovim Pravilnikom utvrđuju se uslovi, kriteriji i način dodjele bespovratnih finansijskih sredstava u okviru projekta „Odvažne i hrabre to ste vi“ koji organizuje Bingo d.o.o Tuzla sa partnerima projekta.

1. CILJEVI PROJEKTA

Cilj ovog projekta jeste dodjela sredstava za sufinansiranje razvoja poduzetništva, odnosno za otpočinjanje samostalnog biznisa ili unapređenje već postojećeg.

2. USLOVI

Uslovi za prijavu na Javni poziv su da je aplikantica:

- a. Fizičko lice – osoba ženskog spola sa prijavljenim mjestom boravka na području Bosne i Hercegovine
- b. Vlasnica ili suvlasnica postojećeg registrovanog biznisa na području Bosne i Hercegovine, koji je registrovan nakon 30.11.2022. godine
- c. Da aplikantica nije bila korisnik bespovratne finansijske podrške u prethodnim ciklusima programa „Odvažne i hrabre“
- d. Da aplikantica ima poslovnu ideju koja kao rezultat podrazumijeva formalno osnivanje privrednog subjekta i/ili realizaciju poslovne ideje o proširenju poslovanja (novi proizvodi/usluge, izlazak na inostrana tržišta i sl.)
- e. Ograničenja u vezi oblasti ili industrija iz koje dolaze poslovne ideje su one koje nalaže zakonodavstvo. Dodatno, nisu prihvatljive poslovne ideje koje imaju negativan uticaj na ljudsko zdravlje (npr. proizvodnja, prerada duhanskih proizvoda, proizvodnja koja ima značajan uticaj na zagađenje ljudske okoline i slično),

3. OBUHVAT PROGRAMA

Program „Odvažne i hrabre“ obuhvata slijedeće elemente:

1. Javni poziv za učešće u Programu i odabir učesnica programa
2. Online poduzetnička akademija – poduzetnička obuka u trajanju od 4 dana u periodu od 13.03.-17.03.2023. godine fokusirana na razvoj koncepta poslovnog plana i poslovnog modela te jačanje poduzetničkih vještina učesnica Programa
3. Priprema i realizacija pitcha - prezentacije poslovnih ideja pred stručnom komisijom
4. Dodjela bespovratne finansijske podrške za pokretanje i/ili razvoj poslovnih ideja.
5. Mentorsku podršku u daljem rastu i razvoju biznisa u skladu sa procijenjenim potrebama.

4. PODRŠKA

Dodjeljujemo sedam (7) grantova u vidu bespovratne finansijske podrške u iznosima od:

- 8.000 KM – 1 grant
- 5.000 KM – 1 grant
- 4.000 KM – 2 granta
- 3.000 KM – 3 granta

Grantovi će biti dodjeljeni za najbolje ocijenjene poslovne ideje. Pored finansijske podrške, dobitnice

sredstava imaju pravo na mentorsku podršku Investicijske fondacije Impakt. Investicijska fondacija Impakt provodi analizu potreba za mentorskom podrškom te u skladu sa navedenim pruža mentorsku podršku poslovnim odabranim korisnicama u skladu sa procijenjenim potrebama i mogućnostima. Korištenje mentorske podrške za korisnike Programa nije obavezno. Period trajanja mentorske podrške je do 31.12.2023. godine.

3. KORISNICE

U ciljne korisnice podsticaja spadaju zaposlene i nezaposlene žene koje svoje prijave dostave u periodu od 20.2.2023. do 6.3.2023. godine:

a) Za zaposlene žene koje već posjeduju vlastiti obrt/biznis (registrovan nakon 30.11.2022.godine) i imaju ideju koja će unaprijediti njihovo poslovanje moraju dostaviti dokaz:

- da je privredni subjekat registrovan nakon 30.11.2022.godine
- da je vlasnik obrta/biznisa osoba ženskog spola koja podnosi prijavu na projekat
- da je osnivačica/vlasnica državljanica BiH,
- da apliciraju na sredstva kroz popunjavanje obrasca za prijavu dostupan na www.bingobih.ba

b) Za nezaposlene žene i žene zaposlene kod trećih lica koji žele pokrenuti novi obrt-biznis (start up projekat):

- da imaju ideju za pokretanje posla
- da apliciraju na sredstva kroz popunjavanje obrasca za prijavu dostupan na www.bingobih.ba
- da je aplikant osoba ženskog spola
- da je aplikantica državljanica BiH

4. NAČIN OCJENJIVANJA

4.1. Predselekcija

Uvid u pristigle prijave imat će žiri za predselekciju imenovan od strane organizatora, koji će odabrati šesnaest ideja za sedam grantova (3 aplikantice iz kategorije grant 8.000 KM, 3 aplikantice iz kategorije grant 5.000 KM, 2 aplikantice iz kategorije 4.000 KM i 3 aplikantice iz kategorije grant 3.000 KM).

Prilikom odabira korisnica za ulazak u poduzetničku akademiju i daljnje faze programa u obzir će se uzimati i bodovati:

- namjena finansijskih sredstva (max 5 bodova)
- Inovativnost (max 5 bodova)
- Vlastito učešće (max 5 bodova)
- Posjedovanje znanja i vještina u oblasti u kojima biznis/obrt djeluje (max 5 bodova)
- Očekivani broj zaposlenih (max 5 bodova)

Žiri za predselekciju sastoji se od pet člana koja će imenovati Organizator kojeg će sačinjavati predstavnici kompanije Bingo, predstavnici Investicijske fondacije Impakt i predstavnici kompanija partnera projekta (Oaza, Lutrin Lab, Golden Rose i Libresse).

Ideje koje prema mišljenju žirija za predselekciju sakupe najviše bodova objavit ćemo na Bingo web i Facebook stranici i za iste će se moći online glasati. Za ocjenu se koristi skala od 1 do 5 bodova.

Aplikantice koje prođu predselekciju i uđu u krug online glasanja trebaju dostaviti sljedeće podatke: fotografiju, kratko predstavljanje po izboru aplikantice (zaposlena/nezaposlena, snovi/ideje, zanimljivosti u maksimalno dvije rečenice). Podaci će se koristiti isključivo u svrhu kreiranja materijala za objavu u online formi za glasanje.

Lični podaci će se koristiti u skladu sa Zakonom o zaštiti ličnih podataka, i neće biti objavljeni prije nego aplikantica da saglasnost.

Aplikantice koje su ušle u uži krug obavezne su prisustvovati online poduzetničkoj akademiji, kao i na prezentaciji poslovnih projekata koje će se održati u hotelu Salis u periodu od 19. do 20. marta 2023. Troškovi smještaja su obezbjeđeni.

Da bi aplikantica bila odabrana za prezentaciju poslovnih ideja neophodno je da prisustvuje svim danima obuke, kao i da izradi osnovnu verziju poslovnog plana uz mentorsku podršku predstavnika Investicijske fondacije Impakt.

4.2. Finalna selekcija

Žiri za finalnu selekciju sastoji se od tri člana koje će imenovati Organizator kojeg će sačinjavati predstavnici kompanije Bingo i predstavnici Investicijske fondacije Impakt.

Prilikom evaluacije poslovnih ideja od strane Žirija za finalnu selekciju u obzir će se uzimati i bodovati sljedeći kriteriji:

- Potreba tržišta za proizvodom/robom/uslugom (nivo istraženosti tržišta)
- Izvodljivost ciljeva
- Kvalitet marketing plana
- Mogućnost izvoza
- Mogućnost zamjene uvoza
- Izvodljivost finansijskog plana
- Zapošljavanje ranjivih skupina i teško zapošljivih kategorija
- Poslovna ideja uključuje aspekte zelene/cirkularne ekonomije
- Djelatnost
- Prezentacija poslovne ideje pred žirijem

Dodjela grantova ovisit će o ukupnom broju bodova sakupljenih online glasanjem i ukupnom broju bodova žirija za finalnu selekciju. Za ocjenu se koristi skala od 1 do 5 bodova. U ukupnoj strukturi ocjene online glasanje čini 50% i ocjene žirija 50%.

Ukupan broj bodova predstavlja zbir bodova svih članova žirija i sakupljenih glasova putem online glasanja.

5. PREDMET FINANSIRANJA/SUFINANSIRANJA

Projektom je moguće planirati finansiranje/sufinansiranje troškova poput:

- direktni troškovi registracije obrta/biznisa
- kupovina opreme
- kupovina alata, mašina, repromaterijala i sl.

- troškovi marketinške promocije

Projektom **nije moguće planirati** sufinansiranje direktnih troškova poslovanja poput:

- troškovi plata i doprinosa
- troškovi komunalija
- troškovi električne energije
- troškovi telefona
- troškovi zakupa poslovnog prostora
- troškovi obuka i edukacija

Iz sredstava poticaja neće se finansirati troškovi koji su nastali prije odabira korisnika i potpisivanja ugovora sa istim.

6. PRIJAVA I POTREBNA DOKUMENTACIJA

Prijava na Projekat mora sadržavati:

1. Popunjen prijavni obrazac

Aplikantice koje ostvare pravo na podršku u obavezi su dostaviti:

1. Prijava mjesta prebivališta (CIPS prijava)
2. Uvjerenje o državljanstvu ili rodni list
3. Kopija rješenja o registraciji (za postojeće biznise)
4. Predračun, račun, ugovor ili druga dokumentacija koja je predmet sufinansiranja
5. Dodatnu dokumentaciju ukoliko se tokom realizacije pojavi potreba, a sve u skladu sa dogovorom na relaciji kompanija Bingo i partneri i korisnica sredstava.

7. DINAMIKA I ROKOVI

Predviđeni vremenski okvir za realizaciju aktivnosti je sljedeći:

- Poziv ostaje otvoren od 20.2. do 6.3.2023. do 23:59.
- 7.3. pristigle prijave ocjenjivat će stručni žiri za preSelekciju.
- Dana 8.3. u 13:00 šesnaest najboljih ideja za pokretanje/unapređenje biznisa bit će objavljene na Bingo web i Facebook stranici. Za objavljene ideje će biti omogućeno online glasanje.
- U periodu od 13.3.do 17.3.2023. održat će se online poduzetnička akademija za aplikantice koje su ušle u uži izbor. Informacije o satnicama i dinamici naknadno će se definisati u skladu sa dogovorom sa učesnicama.
- Dana 18.3.2023. održat će se online priprema aplikantica koje su ušle u uži izbor za pitch sa Investicijskom fondacijom Impakt
- Dana 19.3. u 0:00 završava online glasanje
- U periodu od 19. do 20.3. održat će se prezentacija poslovnih ideja u hotelu Salis u Tuzli za aplikatice koje su ušle u uži izbor, te bodovanje žirija, proglašenje dobitnica, te press konferencija i dodjela sredstava.
- U periodu od 25.3. do 31.12.2023. mentorska podrška Investicijske fondacije Impakt.
- U periodu od 25.3. do 1.8.2023. implementacija i pravdanje dodijeljenih sredstava.

Kompanija Bingo zadržava pravo da bude direktno uključena u monitoring i to na način da dodjelu sredstava vrši tek nakon što aplikantica ispuni uslove (dostavi potrebnu dokumentaciju navedenu u poglavlju 7. Korisnice sredstava koje tek planiraju registrovati biznis, proces registracije trebaju završiti najkasnije do 1.8.2022. godine.

8. DODATNE INFORMACIJE

U slučaju pitanja i dodatnih informacija upite slati na mail adresu amina.celikovic@bingotuzla.ba, pozvati na broj telefona 035 368 568 ili Viber 061 180 175.

Kompanija Bingo zadržava pravo da proširi Pravilnik ukoliko se u vremenu dok je otvoren poziv dođe do zaključka na osnovu upita zainteresovanih aplikantica, da postoje stavke koje su dvosmislene. Sve izmjene Pravilnika bit će objavljene na web stranici www.bingobih.ba sa tačno navedenim izmjenama.